



KO TE

KAHITI O NIU TIRENI.

I TAIA I RUNGA I TE MANA O TE KAWANATANGA.

PONEKE, PARAIRE, TIHEMA 22, 1865.

Tenei ka timataia he Karere ki nga tangata Maori, a ka mahia tonutia, ka pera hoki me te Karere o te Kawanatanga ki nga Pakeha. Ka taia ano nga Panuitanga me nga Whakaaaturanga a te Kawanatanga, rite tonu ki te tikanga o te Karere Pakeha; mehemea ra ka kitea he mea e tau ana hei painga mo te iwi Maori, he mea ranei e hiahiatia ana e ia, ahakoa he tikanga mo te tinana o te tangata, mo tana whenua ranei, mo ana taonga ranei. Ko nga kupu katoa a Te Kawanatanga ki nga iwi Maori, ka korerotia nuitia atu ki roto ki tenei pukapuka, a kahore atu he ara mo te korero. Ko nga kupu o roto e haere atu ana i runga i te mana o te Kawana, o te Minita mo nga Maori ranei. Na me whakamana enei kupu me enei Panuitanga e nga tangata katoa, me whakaronga ano hoki.

Na TE RAHERE, Minita mo nga Maori.

Tari o te Kooti Whakawa Whenua Maori,
Akarana, TiHEMA 11, 1865.

NOTEMEA, I te 19 o nga ra o Nowema, kua ki tuturu te Kawana i roto i tona Runanga, i raro o te mana o te "Ture Whenua Maori 1865," ("Native Lands Act, 1865.") Ko te take o Waata Kukutai me tetahi atu ki te pihi whenua a Purapura, i te tahatika o te awa o Waikato i te Takiwa o Akarana, i Whakawakia, i whakaritea e te Kooti Whakawa Whenua Maori o Niu Tirenī i te 31 o nga ra o Mei 1865, kia whakawakia, kia whakaritea houtia taua take, e nga Kai-whakawa Pakeha me nga Kai-whakawa Maori o te Kooti, a kia turia taua whakawakanga ki mua o te 31 o nga ra o Hanuere, 1866.

Na he Panuitanga tenei kia mohiotia ai ka turia he Kooti Whakawa, e te Kooti Whakawa Whenua Maori, ki te Puaha o Waikato (Port Waikato) i te 9 o nga ra o Hanuere 1866, hei whakawa hei whakarite hou i taua take whenua.

Ko nga tangata katoa e whai tikanga ana ki taua whenua me haere ki reira a taua ra.

Na TIKI,
Kai Tuhituhi o te Kooti.Tari Maori,
Poneke, TiHEMA 5, 1865.

KUA pai te Kawana kia tu a
RORANA HAMAPIANA RONGA,
INGIHAMA TIWENE,
AREHANARA H. KATANA,
hei kai-ruri i runga i nga ritenga o te "Ture mo nga whenua Maori, 1865."

Na TE RAHERE.

KI RUNANGA.

G. GREY, Kawana.

I te whare o Te Kawana i Poneke te tekau ma waru o nga ra o TiHEMA, 1865.

I reira :

KO TE KAWANA I ROTO I TONA RUNANGA.

I RUNGA i te whakahaeretanga o nga ritenga o te mana kua tukuna atu ki a Te Kawana e te "Ture Rahui whenua Maori, 1856," me te Ture whakatika-tika i te "Ture Rahui whenua Maori, 1862," e ki ana Te Kawana, me te whakaae me te whakamohio o tona Runanga ake, ko taua pihi whenua katoa e tohu-tohungia nei ona rohe ki raro iho nei ara :—Ko taua pihi whenua katoa, ko te tekihana i tohungia nei ki te F. i roto o te mapi o te Takiwa o Waiwhakaiho i roto i te Porowini o Taranaki, e rohea mai nei i te Raki e te tekihana i tohungia nei ki te E. ; te rohe ki te Rawhiti ko te whenua Rahui i tohungia nei ki te C. ; te rohe ki te Tonga ko te tekihana i tohungia nei ki te F. ; te rohe ki te Rato ko te awa o Waiwhakaiho, he whenua hoki tenei e tau ana ki reira nga ritenga o aua Ture nei, (e kiia nei e Te Kawana) kia hokona, a ko tona hokonga atu nei tenei ki a Wiremu Huru (William Hood) o Nin Paremata, Taranaki, ko nga moni utu, he Kotahi rau e rima tekau pauna (£150.)

PAHATA KOARINGI,

Kai-tuhituhi o te Runanga o Te Kawana.